

# 北京大學出版部廣告

書名	著作者	冊數	定價
Selected Contemporary Dramas	胡適	1	\$5.50
Bernard Shaw	陶履恭	1	.70
A new Selection of English Essays	楊蔭慶	1	.80
Public Finance of Bastable		2	1.50
Readings in Economics and Finance	王建祖	2	1.80
English E-says		3	3.10
English history		3	3.00
Civilization; An histozical review of its elements		4	4.49
Lingua Latina		3	3.45
Logik von Dr. Jh. Elsenhans mit 13 Textfiguren		1	.90
La Question D'Argent		1	1.00
Three English Plays		1	1.00
Un Chapeau de paille D'Italie		1	.48
Three Plays of Oscar Wilde		1	1.00
國立北京大學二十周年紀念冊		1	1.00
中國史講義(上古史)	楊敏會	1	.40
中國史講義(下世史)	楊敏會	1	.40
論語集注	崔適	1	.10
史記探源	崔適	2	.60
春秋復始	崔適	6	2.00
程氏遺書	程演生	1	.40
文字學形義篇	朱宗萊	1	.20
本國人文地理	錢振鐸	2	.50
代數學講義(第一二編)	石鴻賓	1	.60
代數學講義(第三四編)	石鴻賓	1	.50
西洋倫理學史(第一二編)	楊昌濟	1	.25
西洋倫理學史(第三編)	楊昌濟	1	.35
哲學概論	陳大齊	1	.40
新編印度哲學概論	梁漱溟	1	.70
重印詞源	張炎	1	.12
倫理學之根本問題卷上	楊昌濟	1	.25
拉丁文提綱(法文釋義)	梅理慈	1	.90
拉丁文提綱(法文釋義)	梅理慈	1	.90
拉丁文提綱(法文釋義)	梅理慈	1	.60
拉丁文提綱(法文釋義)	梅理慈	1	.20
德意志之成時經濟	嘉塞爾	1	.27
清史要略	陳寅恪	1	.30
經濟學名詞英和索引	馬寅初	1	.30
現行律例關於民事有效事	何基鴻	1	.10
文苑	陳林	6	1.80
重印馬品	藍生同	1	.15
文字學形義篇	藍生同	1	.20
衡志志科論文選	顧北熊	1	.70
重印北學正	徐子家	3	.60
歐洲文學史	周作人	1	.60
心理學大綱	陳大齊	1	.60
歐洲經濟史	江歸	1	銅元14枚
歐洲法律史	林行	1	42.
歐洲法律史	周家	1	13.
歐洲法律史	周家	1	9.
歐洲法律史	周家	1	27.
歐洲法律史	周家	1	37.
歐洲法律史	周家	1	44.
歐洲法律史	周家	1	26.
歐洲法律史	周家	1	78.

# 北京大學日刊

號五十百三第

編輯部  
經理部  
報資及  
告白費

北京後門國立北京大學內  
電話東局一千零七十二號  
每份銅元二枚每月自取三角派送三角五分外省四角五分  
廣告刊四號字七日以內每字八厘一月以內五厘長期面訂五十字起算封面中縫加倍

## 教育部指令第二六五號

部令

令北京大學

呈一件 學生吳維清擬赴歐美留學由請免選派留學生第一試

據呈已悉查選派留學外國學生規程具有第一條第四項資格者並無得免試驗之規定該生所請應無庸議仰即轉知遵照此令

## 本校布告

(一)各科教員借用教本辦法業由學長會議決定自二月二十二日起實行茲公布於後



(一)各教員需用教本者可具借書條向教務處領取借用之

(二)倘所需教本教務處並無現存者教員當將教本之名目及出版處通知學長由學長知會教務處購買之(教務處亦可託出版部代買)

(三)教員所領教本至不再需用時須交還教務處倘教員至不再教某項科目時尚未將該科目所用教本交還者教務處須憑條索取之

(四)教務處須將所備教本之名目冊數科目借書人及借出收還日期等詳細登記之

(五)教務處收回之教本學長認為不再需用時常歸圖書館保存

(六)每科目所用教本以一種為限大部書籍不能作為教本

(七)教員欲買參考書者當照買書規則辦理

(二)本校儀器管理處章程自評議會議決後已宣布於二月五日刊現已由校長函訂陳聘丞教授兼任該處主任並以各科助教兼任事務員自二月二十日起本校同人凡關係儀器事務均須按照管理處章程與陳主任及各事務員接洽辦理此布

### 校長啟事

學長諸君教授會主任諸君及研究所主任諸君公鑒為本校擴張計畫及其他各種重要問題於本月二十二日(即今日)午前十時在景山東街校長室開會討論先期送奉大學院計畫及本校歷年支出比較表已有設備價值表備預行研究屆期務請到會(是日校中備有午餐會議可延至午後以便當日解決而提出於評議會)此訂並祝 公綏 蔡元培謹啟

### 文科布告

(一)按本校諸費規則第三十一條每期學費統於開學三日繳清有不繳者即令停止上課照章扣分再逾一月不繳即令退學仍責令保證人繳清查朱伯然等雖經請假已逾學期授課時間之半尚未繳納學費均應照章令其退學除函達該生等保證人外特此宣布

文科二名  
朱伯然 一年級哲學門 選科生  
李駿 一年級國文門

文預科一名  
朱家珍 一年級英文丙班

### 補習班八名

李國濟 吳振鐸 王仲璽 王恩榮  
盧裕山 丘耀宗 李輔忠 蔣致中

(二)兼習外國語英文C班一徐教員定於下星期一三五每日下午五至六時接續補課一小時

### 文科教務處告白

中日談話會訂於本月二十三日下午二時在中國大學開會備有茶點函邀本校文法科日語學生赴會文科日語班學生係請周二為先生導往現周先生以是日有事須先至該會接洽不及來校願往諸生務望於本星期六午前來文科教務處簽名以便推定代表屆期全往為要

二月二十一日

### 庶務處告白

三月份膳費定於二月二十五六兩日每日上午九點至十二點下午一點至四點半徵收附膳各生務於此兩日內赴會計課繳納此白

三餐徵收現洋三元  
紙幣二元四角

兩餐徵收現洋一元六角五分  
紙幣一元三角五分

### 圖書館登錄室第三部布告

本館茲承

尙志學會惠贈

杜師業譯革命心理

陳長衡編中國人口論

王若愚先生惠贈

曾琦著團體與青年

楊湜生先生惠贈

閱微草堂硯譜

陳永慶先生惠贈

明治大學規則

中央大學學制便覽

特此聲謝

### 出版部布告

前在本部購去「心理學大綱」與「歐洲文學史」兩種刻下已將書價折扣定好即望已購諸君速取退價以清手續此白

### 數理學會啟事

本會因辦理雜誌捐款等事以致常會久停自下星期起照常開會特此預告

### 日刊投稿簡章

### 國史徵集股啟事



# 國故月刊社通告

本社社址業已寫定 (在文科大樓第三層三十三號)

凡本社編輯及社員諸君如有函件稿件逕交該處可也

## 書法研究社通告

社員諸君公鑒古物陳列所參觀券已到請按照定時來社領取現該所又來函云必須排隊齊往單去無效即希  
社員諸君子星期日(二十三)早八鐘來社齊集以便同往免致貽誤是為至要

## 本校紀事

### 書法研究會紀事 (第三十四號)

畫法研究會油畫部創辦已及兩月其間因開游藝會事會務不免停頓故自二月八日後始得定期集會現前後集會已經三次因約略記之如左

導師蓋大士先生對於臨畫頗不謂然以臨畫專事抄襲毫無思致殊背圖畫之本意欲求深造端在寫生寫生既久然後任

意所之一寓於畫自不難逼肖神似上臻佳境矣

該部現方習木炭畫前二次寫二校役面部後一次寫一石膏人像蓋先生熱心指導每次總在三小時以上殊可感焉茲摘述其習畫時應注意之點如下願畫會同人留意及之

(一)全像部位視中線之傾斜度而定畫時可以垂直的牆壁為標準線  
(二)像之大小必依視角之大小為度毋過分或不及

(三)初學時祇求各部之位置及比例之準確而稍加以陰影已足美觀無事過求練習既熟然後再及精微之處由簡而繁須有順序不可造次

(四)由有形體之畫而試作同樣之意像畫以期能自動無所倚賴

習畫時間為每星期兩次並由蓋先生規定

第一次 星期日上午九時至十二時習人體寫生

第二次 星期三下午七時至十時習石膏像寫生

俾得互相參考以求真實

治是為至盼

案畫會成立經年成績雖尚不惡然既有西洋畫部而無油畫祇求講演而不知寫生殊不免簡陋之譏近方由理論的而近為實驗的由被動的而進為自動的他日會務發達成績優良可預期焉

## 本校瑣聞

▲顧會衍請休學已准

文本科一年級國文門選科生顧會衍自請休學一年本校業予照准

▲書法研究會開周年紀念會

本校書法研究會創始一年成績昭著今日為該會紀念日(三三)節校長導師新舊會員百七十人咸集法科大禮堂舉行紀念會該會又因基本金募集千金端賴上次游藝大會各團體各個人之助力亦於今日像備茶點請求到會以事酬謝聞所發請柬有三百餘份之多仍有幻術文虎諸項以為餘興

## 雜錄

### 美國軍人大學之計畫

郭振唐譯十一月十五日之

The Christian Science Monitor

世界最大之大學將於休戰時期教導海外美國兵士庶不至缺乏教育而為社會之累哥倫比亞大學教授青年會陸軍教育委員會會長愛斯琴君(John Erskine)所辦之新學校欲得學生數百萬人教員數千人書籍四百萬本愛斯琴教授現方首途赴法曾言凡美國兵士無論其為初等小學之學生或因戰事輟學之青年本大學概行羅致至於辦理校務籌措經費統歸青年會主持美國圖書館協會則置備參考書其他關於協戰事務之五團體方與英法各大學從事於海外美國大學之組織  
設此校之計畫當耶魯大學秘書斯安克君(Aaron Phelps Stokes)本年正月受青年會之請託調查在法美兵教育上之需要時即已決定斯安克君於二月間寄正式報告書  
四月返美歸後愛斯琴教授即請其襄辦此事自後遂為主謀矣而其專責則學畫為兵士設專門學校大學校及大學畢業後之教育



設此校之目的，在使軍人退伍後，仍得盡其國民之天職，不致因戰事而對於己身及社會有所損失也。至入各科肄業之人數，將視其歸國後擬操之職業而定。現時農夫、工程師、鐵匠、醫師之缺乏，當由海外兵士補充之。若在法管理人，認為需要時，則設商業及職業諸學校。凡兵士性近於某種職業者，必鼓勵之，俾其肄業於此種學校，受專家之教誨。其有長於教育者，則授以師範。

對於初學所入各科，將格外注重。凡未畢業於小學者，自其休學之年級起，繼續學習。在中學肄業者，歸國後，即將升入專門學校。

營帳將改為臨時學校，每日授課六時或八時，一切規章，皆仿軍制。分科學校，將因一團體中有五百人或五百人以上之需要而設立。若營帳不敷，則建築學舍。所設學科，及各科適容人數皆具表冊，將由英法各大學及專門學校，分送各處。校外科將為遠居他縣者而設。

美國圖書館協會，將於需書最多之地，設立圖書館。自七月至八月，該會所發出之書籍及雜誌，由郵局及青年會之販賣部

所經理者，凡二百七十二萬六千八百七十本。以圖書者甚夥，而圖書館之管理員，乃倍形忙碌矣。  
新大學之計畫，已着手進行，聖誕節前，約可告竣。

## 歐戰之目的及和局之

### 基礎 (續)

葉景莘先生著

威爾遜總統之義正詞嚴，凜然可見。德之專制勢力不去，今日可以求和，他日何不可以復戰。故非德國人民自革其政者，美與英法必更力戰也。又美總統之答覆奧國，謂自一月八日宣言後，美國已承認捷克斯羅夫克之軍為交戰團體，並已承認南斯拉夫民族之獨立權利。昔所云奧匈國內異民族之自主，今已不能適用。而與奧和休戰之問題，亦當取決於該各民族也。故奧不革命，亦無以和。今奧固危急，德亦困苦，縱猶能背城借一，亦無以挽回大勢。吾人惟祝德奧人民之早享自由，庶美總統之主義，得以普施於全世界而大同之域，或可躋也。

### 第五章 結論

上三章所述交戰國之戰爭目的，並其變遷之跡，足以見他日和局之基礎，必在美總統之主張也。

德人失敗之勢已成，其野心將如泡影，能納美之條件，猶不失為大國。協約各國中，容亦有與美總統之主張稍不符合者，而民意所趨，恐亦未能強異。美總統之主張，可實行至何程度，其實行細目如何，誠非今所能逆料。而其不得不實行者，則世界大勢之所為，亦非徒美國一手足之力也。願即就美之實力與決心言之，亦有不可輕視者。試觀美自宣戰以來之所為，其範圍之廣闊，其成績之偉巨，豈第為吾國人所未夢見，抑亦有為他國所駭異者。美國宣戰之時，其陸軍祇軍官九千五百二十四人，兵卒二十萬二千五百十人耳。國民皆兵之制，亦為美所未夢及。乃自選練新軍之令下，不及三星期，而壯丁之注册者一千萬人。十月望前，調查軍事人力之結果，注册者又一千四百萬人以上。自此二千四百餘萬，由十八歲至四十五歲之壯丁，所抽練之軍隊，期以五百萬為額。今歲秒，美軍之抵法者，可二百三十萬。明歲六月秒，當為四百萬。而國中餘一百萬焉。又

其借於協約各國者，據八月一日美財政部之所報，每日達美金一千萬元之鉅。其魄力之雄厚如此。而國民尤日益踴躍，不有和局之心，曷以致此。而謂美政府之宣言，乃徒託空言哉。歐美工黨勢力之鉅，他日戰罷議和，軍士解甲，兵廠減工之際，當為尤甚。其所主張，尤似偏於理想。雖不至蹈俄國過激派之覆轍，亦必不容其政府之仍守侵略主義也。行非常之事，必待非常之時。今之時勢，則為自有歷史以前所未見者也。今之戰乃人類第一次之世界大戰。昔之戰，則皆限於數國者也。茲後和議，亦將為第一次之世界和議。第一次解決全世界國際問題之和議。全世界國際問題之能否即此解決，雖不可知。而其不能不求解決之方，則勢無可免。吾人嚮香拜祝，願今之戰爭，今後之和議，亦將為末次之世界戰爭，末次之世界和議也。

我東鄰對於此世界戰爭之目的，如剪除專制勢力，設立國際大同盟，及民族自決定權，與國際權利平等諸端，迄未表示意見。新外相內田民之論美總統歷次演說，實為日本政府第一次論及此問題，願其言甚簡略，不足以見其真意也。



# 北京大學日刊附張

其所自負之責，則曰保持東亞之和平。而其參加戰爭之目光所注，為世界所共視者，則其在東亞之地位也。若我中華民國則何如。我自與德絕交而宣戰，以加入於協約一方者，一戰有餘矣。於戰事猶未盡力也。弱小如暹羅，且遣軍於法，而我願遠巡不進，今則亦無需乎我矣。然今協約各國之戰也，非以戰事為目的也，非為屠人之科學大試驗而戰也，所求者乃在和平與公理。戰事特為求達此目的之方法耳。我今雖不能有助於此戰爭之方法，未嘗不能無補於此和平與公理之目的也。夫世界大勢，久與和平背馳，與公理乖異，豈自今日始。而協約各國似今始見及之者，則四載以前，德人藉口於奧儲之被刺，厲行其強權勝公理之學說，發揮其四十餘年來所蓄之戰力，而有以驚破歐美之歌舞昇平之夢也。吾國人之經驗之感覺，則有先於歐美者矣。一八九八年，德人藉口於山東兩教士之為亂民所斃，而佔據膠澳，食山東以開我國瓜分之危局。夫

教士若與奧儲之責也，其為亂民所斃，非若塞爾維亞黨人狙擊奧儲之有所謀也，而吾國尤無如南斯拉夫民族，與日耳曼民族衝突之舉。乃德之待我者，其強暴不下於奧之於塞他國，非身受不之感，吾人之隱忍受辱，則二十年於茲矣。故吾國人經驗感覺之先於歐美者，至少亦二十年。求和平與公理，孰有過於我者乎。維持國際之公理與和平，猶諸維持國內之秩序也。國內之秩序，固賴法律之維持，尤賴人心之平正。人心不平正，雖以嚴刑峻法隨其後，而干犯綱紀者如故。國際之情勢亦然。國際之和平與公理，將有賴於所謂國際大同盟者維持之，而尤賴於各國之自重公理，自愛和平。苟猶有強權侵略之念，縱列邦之軍備減少，其軍力之比例如故，仍可一戰也。陽為和平，而陰施侵略，則國際之憤懣漸深，有如積薪之厝火，一有煽之者，燎原之勢又成矣。今協約各國非推倒德之專制勢力，不能言和。使普魯士之皇室軍閥，或大日耳曼主義之信徒，猶

執德意志之牛耳者，縱甘言厚幣，以求和好，其於公理和平之不能心悅誠服如故。其猶將蓄志以擾亂世界之和平者，亦必然也。然普魯士之專制勢力去矣。苟他國猶有懷抱野心者，國際大同盟不仍將無效。和平之局不仍將杌隳耶。故自茲以往，世界各國，必皆屏絕強權，崇奉公理，而後和平之長基克定。而後科學機械之進步，不至使人類之自相屠滅，而後人類之長養子孫，有異乎烹飼牛羊之徒，供宰殺也。吾國之內政腐敗，誠多不足取。而涵養於二千餘年重文輕武之教訓，隱忍於二十年來負辱受抑之痛苦，其求伸公理，求獲和平，既有甚於他邦者。則其參列國際團體以增重和平之勢，輕減強權之力，必甚有裨於人類也。此僅就消極一方言之也。由積極以協助戰後目的之達到，吾人亦大有可為。戰後之和平建設，賴於經濟之恢復，及民主主義之發展。經濟之恢復，賴於資本、物產、及勞動三者並重。無可軒輊。吾國缺乏資本，而富於物產，饒於人力，吾人甚願散其蘊藏，實遷其所餘，以供我友邦修復損毀之需。戰事損毀之區域甚廣，所需必甚鉅。戰役之中，消耗物產，尤不勝計。戰後補充，亦極切要也。茲役壯丁之死，亡殘廢者，為數至眾。友邦於戰後之建設，人力有不繼者，今在法境之吾國工役，可盡力以助，不足可增募也。若夫民主主義之發展，似非今方苦於騎兵悍將之我國所得言。然我國數千年來之歷史，固以民治主義為其特色者也。其民治主義未有

組織之道。故其形式與西方不同，其效力似亦遠遜。顧其浸潤於人心者則甚深。今日武人勢力之長，特數年內事耳。而溯其原因，則以他國重武力，尊強權，而重文輕武之我國，歷受其害。土地權利，疊遭侵奪，乃亦勉繕甲兵，稍冀自衛，非我之好武也。然武治主義，終不適於我之國情。好男不當兵之思想，終深入於社會，故其結果為今之現象。今全國皆望偃武，他日和平會議，討論限制軍備之問題，吾國其將為首倡乎。新建之共和政體，與固有之民治主義融合，我民族其將有以增益世界民治之光也。消極積極兩方，吾國既皆可裨於茲戰之目的，我國人其毋自餒焉。戰後之處置，將以保障人類之利益也。吾國人居今世界人類四分之一以上，安能不與聞其事。今是戰亦以各國權利之平等為目的。吾國立國五千年，在今日列國之間，為最先之國家。論國家之權利，亦尚有過於我者乎。吾國人其毋自餒也。（未完）

## ◎ 詞語選

文科教授劉復編訂

（八五）

文科馮舉鶴君來稿

一個媳婦姑到過。兩個媳婦動家伙。三個媳婦壞家窩。

此章流行於湖北南漳，言姑媳之不易相安，而尤以大家庭為甚也。姑到過，猶云勉強過。窩，疑應作務。務窩一聲之轉。



一片熱心，漸減以盡。乃專心乞退。此退將不復出，而求之甚急，蓋前途已全無希望，且此戰失策之處，又以譏刺之詩，為之宣露，已激起陸軍當局之怒，勢亦不能留矣。其經濟上之困難，使之神志沮喪。開戰以後，復中賭魔。先已負債，至是又預二千五百盧布，不得已賣其誕生之地，得五千盧布，一莊嚴古式之木屋，遂自斃斯老羅波力安那移至鐸爾哥業村 Dobrogo，至今在焉。彼已復其放蕩之習矣。一每出輒二三日不歸。……迨歸則曲呈一敗子之狀。憂愁，困頓，益以自愧。……彼常引吾於旁，自承其悔悟。盡告吾以日來之所為，如何宴會，如何賭博，何處度日，何處度夜，自恨不已。窺其心中之苦，殆無異一真曾犯罪之人。其愁狀足令見者生憐。綜言之，彼乃一奇人，為吾所不能了解。然彼又實一難得之朋儕，最可敬之夥伴，且凡見之者不能忘之之人也。

凡神志沮喪時，舊有之宗教疑念，必復湧起於心，此其生平之恒態也。以下所引，乃其自量社交上之地位，與其德性之等級，雖言之悲觀，然甚為切當。

### 托爾斯泰傳

張邦銘 鄭陽和 同譯

一二十六

不許 北京大學月刊

吾絕無讓德。此吾之大缺點也。吾何人歟，吾為大佐之季子。生七歲而孤，賴婦女生客撫養成人。未受社會學校等教育。年十七，自主，無憑藉，無職業，尤無主義。所行極謬，浪擲光陰，毫無自快之境。既而自適於高加索，以避債，並求改前非，又籍先人與司令官有舊，以謀榮達。年二十六，以少尉轉入多惱河軍隊。除官俸外，殆毫無資產。（因所有者皆須以償夙負故。）無有力之友朋。不解社交。不善供職。無實用之能力。然又有無窮自重之心。此吾社交上之地位也。試觀吾之德性何似。

吾性惡，行動陋劣，不知世故。吾易怒，好忤人，自高，量小，而怯退，又如小兒。吾殆毫無知識，凡吾所知，皆吾漸積而得者。總其量殊微小不足道。吾無節制，無決斷，無恒。吾愚，而又誠誠好自用，與凡庸笨之小兒相似。吾無勇，吾治生不得其道。吾極惰，吾之閑蕩，已成不可克制之惡習。

吾天資聰穎，然吾之天資，至今未嘗有所試。吾於實用，社交，應事，三者無一能。

### 清史 卷八

八

不許 北京大學月刊

似孝定。或謂亦小德張所為也。小德張權既重。太監咸畏其。稍稍遁去。雖皇帝側。幾無人焉。一日。皇帝呼其常隨。皆不應。更呼羣臣曰。某輩皆何往耶。羣臣伏地曰。皆畏小德張。逃矣。即奴輩人思全性命。亦不能投侍衛矣。皇帝曰。汝輩勿懼。吾為汝輩拜上天。帝有言。汝輩上天。帝亦殺之。既而曰。師傳言何往。數日不來。何也。師傳者。前大學士陸潤庠侍郎陳寶琛都統伊克坦也。三人者以孝定崩。不入宮數日矣。及聞命。翌日。皆入宮。侍郎先入。有老婢年五十餘矣。故侍郎。陳小德張之惡。且曰。如皇上有何語。願侍郎周全之。及見皇帝。帝語果及小德張。太保世續曰。誰言之。侍郎因曰。某蓋亦言之矣。太保曰。某自十五歲入宮。不增人。落莫。人呼為。子是不妄語者。因曰。如此。臣輩輔保皇上亦危險矣。將奈何。侍郎曰。逐之而已。太保曰。某欲去之。安用逐為。故事。某宮上賓。總管太監例辭職。或慰留。或調他宮。李欽太后崩。連英亦如是。今小德辭職。文已至。許之可也。即召醇親王載灃告之。故。王有懼色。時諸不可。侍郎曰。王何時。此大行皇太后宮照例辭職者。何時。王終有難色。太保曰。昔李連英亦辭職有案。王乃論查案而退。次日。王仍有難色。太保曰。王所以不決者。非謂寡恩於大行皇后宮。乎。加恩予食俸。俸銀月四兩。且加半。王不得已。判焉。於是即日諭門衛放小張歸其家。許隨帶行李。既而禁衛請曰。小德張已出宮。惟銀二萬兩銀圓二萬餘圓。不在行李內。未奉命。不敢擅便。案小張張富已出產。此。侍郎語太保曰。休矣。區區者而尚不卑乎。遂令其并放去。於乎。使小德張肆其惡。雖魏忠賢弗過哉。然聞辛亥遜位之詔。小德張頗有力焉。賢於曹化淳遠矣。

孝定后崩。瑜妃等召小德張謂曰。宮中忽有大事。汝侍太后久。一切委之汝矣。小德張曰。奴才侍太后。惟知太后命。瑜妃變色曰。汝言誠是。然太后今上賓。一切當皇帝辦。皇帝幼。吾輩代皇帝命汝。汝受皇帝命否。小德張唯唯。惘然起。不依例行禮云。辛亥冬。清廷起項城為內閣總理。項城入都。伺小德張休沐。逕造其家。小德張懼甚。跪而迎之。項城曰。若知今日國家之艱難乎。若助軍需如干。小德張唯唯曰。願獻十萬。項城若有不豫色。然欲去。小德張跪曰。願大人開恩。於是累增至七十萬云。